

高宗純皇帝實錄（一一）

卷八二六至卷八九九
乾隆三十四年至三十六年

清實錄

第一九冊

中華書局影印

清實錄第一九冊目錄

高宗純皇帝實錄(一一)

卷八二六	乾隆三十四年正月上	一九〇六九
卷八二七	乾隆三十四年正月下	一九〇八五
卷八二八	乾隆三十四年二月上	一九〇九八
卷八二九	乾隆三十四年二月下	一九二七
卷八三〇	乾隆三十四年三月上	一九三四
卷八三一	乾隆三十四年三月下	一九四四
卷八三二	乾隆三十四年四月上	一九五七
卷八三三	乾隆三十四年四月下	一九七〇
卷八三四	乾隆三十四年五月上	一九九五
卷八三五	乾隆三十四年五月下	一九一一
卷八三六	乾隆三十四年六月上	一九三一
卷八三七	乾隆三十四年六月下	一九三七
卷八三八	乾隆三十四年七月上	一九五七

卷八三九	乾隆三十四年七月下	一九二七
卷八四〇	乾隆三十四年八月上	一九二八七
卷八四一	乾隆三十四年八月下	一九二九七
卷八四二	乾隆三十四年九月上	一九三三
卷八四三	乾隆三十四年九月下	一九三四
卷八四四	乾隆三十四年十月上	一九三三九
卷八四五	乾隆三十四年十月下	一九三六二
卷八四六	乾隆三十四年十一月上	一九三九三
卷八四七	乾隆三十四年十一月下	一九四〇五
卷八四八	乾隆三十四年十二月上	一九四一九
卷八四九	乾隆三十四年十二月下	一九四三四
卷八五〇	乾隆三十五年正月上	一九四五二
卷八五一	乾隆三十五年正月下	一九四六三
卷八五二	乾隆三十五年二月上	一九四七三
卷八五三	乾隆三十五年二月下	一九四八七
卷八五四	乾隆三十五年三月上	一九四九七
卷八五五	乾隆三十五年三月下	一九五一五

卷八五六 乾隆三十五年四月上 一九五三〇

卷八五七 乾隆三十五年四月下 一九五四二

卷八五八 乾隆三十五年五月上 一九五五三

卷八五九 乾隆三十五年五月下 一九五六六

卷八六〇 乾隆三十五年閏五月上 一九五九〇

卷八六一 乾隆三十五年閏五月下 一九六〇九

卷八六二 乾隆三十五年六月上 一九六二七

卷八六三 乾隆三十五年六月下 一九六三九

卷八六四 乾隆三十五年七月上 一九六五五

卷八六五 乾隆三十五年七月下 一九六七二

卷八六六 乾隆三十五年八月上 一九六八八

卷八六七 乾隆三十五年八月下 一九七〇〇

卷八六八 乾隆三十五年九月上 一九七〇八

卷八六九 乾隆三十五年九月下 一九七二六

卷八七〇 乾隆三十五年十月上 一九七二六

卷八七一 乾隆三十五年十月下 一九七四三

卷八七二 乾隆三十五年十一月上 一九七六二

卷八七三 乾隆三十五年十一月下 一九七七二

卷八七四 乾隆三十五年十二月上 一九七八一

卷八七五 乾隆三十五年十二月下 一九七九三

卷八七六 乾隆三十六年正月上 一九八〇四

卷八七七 乾隆三十六年正月下 一九八一

卷八七八 乾隆三十六年二月上 一九八二〇

卷八七九 乾隆三十六年二月下 一九八三四

卷八八〇 乾隆三十六年三月上 一九八五二

卷八八一 乾隆三十六年三月下 一九八六二

卷八八二 乾隆三十六年四月上 一九八七八

卷八八三 乾隆三十六年四月下 一九八九四

卷八八四 乾隆三十六年五月上 一九九〇六

卷八八五 乾隆三十六年五月下 一九九一九

卷八八六 乾隆三十六年六月上 一九九三三

卷八八七 乾隆三十六年六月下 一九九四六

卷八八八 乾隆三十六年七月上 一九九五七

卷八八九 乾隆三十六年七月下 一九九七八

卷八九〇 乾隆三十六年八月上 一九九五

卷八九一 乾隆三十六年八月下 二〇〇八

卷八九二 乾隆三十六年九月上 二〇一三

卷八九三 乾隆三十六年九月下 二〇五一

卷八九四 乾隆三十六年十月上 二〇六五

卷八九五 乾隆三十六年十月下 二〇八九

卷八九六 乾隆三十六年十一月上 二一〇六

卷八九七 乾隆三十六年十一月下 二一三三

卷八九八 乾隆三十六年十二月上 二一五五

卷八九九 乾隆三十六年十二月下 二一七六

大清高宗法天隆運至誠先覺體元立極敷文奮武孝慈神聖純皇帝實錄卷之八百二十六

監修總纂官經筵講官太子太傅文淵閣大學士文淵閣領閣事領侍衛內大臣稽察欽奉 上諭軍機處管理

吏部理藩院事務正黃旗滿洲都統世襲副都統加七級隨帶加一級尋常加二級軍功紀錄一次臣慶桂

總纂官經筵講官太子太傅文華殿大學士文淵閣領閣事稽察欽奉 上諭軍機處管理刑部王庫事務

世襲副都統軍功加十九級隨帶加二級又加二級臣董誥內大臣戶部尚書經筵講官滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹鳳麟等奉

敕修

乾隆三十四年己丑春正月乙酉朔

上詣

奉先殿行禮○詣

堂子行禮○率王以下文武大臣詣

壽康宮慶賀

皇太后禮成御太和殿受朝作樂宣表如儀○

詣

大高殿

壽皇殿行禮○遣官祭

太廟後殿○御乾清宮賜宗室王公等宴○丙

戌

上奉

皇太后幸重華宮侍宴 諭雲南省兵行所過

地方及永昌騰越普洱三府州地丁錢糧頻

年降旨加恩蠲免其非經過地方亦節次寬

免十分之五今念該處軍務尚未告竣若即

照例徵輸閭閻未免拮据著再加恩將雲南

一省兵行所過之地及永昌騰越普洱各府

州本年應徵錢糧仍照前兩年之例全行蠲

免其非經過地方並免十分之五至湖北湖

南貴州三省兵行經過處所前已兩次緩徵

今再行加恩將本年地丁錢糧蠲免十分之

三俾免按年帶徵以紓民力該督撫等其董

率所屬實心經理務令小民均霑實惠副朕

軫念羣黎至意該部遵諭速行 又諭直隸

各屬上年間被水災業經加恩分別賑卹現

在時屆東作尚恐被災貧民際此青黃不接

之候生計不無拮据著再加恩將霸州保定

安州。文安。永清。東安。寧晉等七州縣被災六分之極貧。及七八九十分之極次貧。均加賑一個月。其大城靜海二縣雖有代賑工程。尚恐不敷接濟。又災分稍次之任邱。肅寧。慶雲三縣內。成災九分。村莊極次貧民。均著於停賑後。各加賑一個月。該督其務董率屬員。實力查辦。無任胥吏中飽。俾小民均霑實惠。副朕加惠黎元至意。該部遵諭速行。○丁亥。

上詣

皇太后宮問安。○御紫光閣。賜蒙古王公台吉及回部郡王等宴。○召大學士。及內廷翰林等茶宴。以冰牀聯句。○諭江蘇各屬。上年得雨稍遲。收成不無歉薄。業經分別蠲賑。第念被災稍重之區。際此青黃不接。民力尚多拮据。著再加恩。將鹽城。泰州。東臺。興化。四州縣被災九十分之極貧。各加賑一個月。該督撫等其董率屬員。妥協經理。俾窮黎均霑實惠。不致稍有失所。該部遵諭速行。○又諭安徽

各屬。上年因得雨稍遲。間被偏災。業經加恩緩徵。並分別賑卹。現在時屆東作。距麥秋為期尚遠。際此青黃不接之候。生計尚多拮据。著再加恩。將合肥。鳳陽。定遠。霍邱。泗州。盱眙。天長。滁州。來安。全椒等十州縣內。被災十分之極次貧。及九分之極貧。各加賑兩個月。其被災九分之次貧。及八分之極貧。各加賑一個月。廬州。鳳陽。長淮。泗州。滁州等五衛。並照屯坐州縣一體查辦。該督撫等其董率屬員。

實心經理。務俾閭閻普霑闡澤。以副朕軫念災黎至意。該部遵諭速行。○又諭曰。三格年力就衰。不必管理熱河總管事務。永和。駐打牲烏拉。已越數年。著加恩賞給總管內務府大臣職銜。在熱河總管上行走。其打牲烏拉總管員缺。仍著索柱補授。○諭軍機大臣等。征剿緬匪。由水路進兵。必需船隻。今派出署副都御史傅顯護軍統領烏三泰。令其馳驛前往雲南軍營。監造船隻。著傳諭高晉將湖

廣善造船隻匠役多為挑選妥協豫備俟傳
顯烏三泰到日即行交與伊等由彼帶往○
軍機大臣等議奏定邊左副將軍成袞扎布
奏稱前自烏里雅蘇台運送伊犁綿甲內補
造損壞甲六百九十副承辦官員多用銀兩
係因軍營從前無成例可遵隨按時價辦理
查該處雖係邊方現值無事嗣後應行修補
工作應照內地之例估辦從之○戊子諭豫
省光州等七州縣上年被旱成災業經降旨

分別蠲緩並先行撫卹一月仍照災分輕重
加賑一二三月第念該地稻田居多收成較
晚青黃不接之時民力未免拮据著再加恩
將光州光山固始息縣商城信陽羅山等七
州縣被災九分之極貧加賑兩個月被災九
分之次貧及七八分之極貧各加賑一個月
仍減價平糶倉糧水田借給稻種俾小民生
計裕如米價不至昂貴該撫其董率所屬實
力查辦毋使吏胥稍有侵漁扣剋副朕加惠

災黎至意該部遵諭速行○又諭湖北省安
陸雲夢等州縣上年得雨稍遲收成不無歉
薄已分別加恩蠲緩照例賑卹即勘不成災
之州縣衛所田地亦經將應徵錢糧緩至麥
收後啟徵今念該省尚有京山隨州二處雖
俱勘不成災而高阜之區秋收顆粒不及往
年小民口食未免仍多拮据著再加恩將京
山隨州應徵乾隆三十三年屯餉錢糧一體
緩至麥熟後徵收並酌借籽種口糧以紓民

力該撫等其即率屬妥協經理俾窮黎均霑
實惠副朕軫念閭閻至意該部遵諭速行○
又諭曰湖廣總督吳達善著馳驛速赴新任
是日起

上以祈穀於

上帝齋戒三日○己丑諭前軍機大臣會同刑
部審奏僧人普潤一案該僧並非割辯正犯
係黃岡縣用刑逼認而巡撫程燾原奏有不
事刑求即行供吐之語因降旨令其明白回

奏今據奏覆多方迴護支離更不成話已於摺內批諭普潤疊經受刑其拶夾傷痕顯而易見豈軍機大臣等能辨之於解京之後而程燾轉不能辨之於解撫之時摺內乃云該僧到案所有受刑誣服緣由匿情不吐試問過堂覆訊該僧雖則無言程燾豈竟無目者咎將誰歸封疆大臣遇有重案雖情詞曖昧尚須研窮得實若人犯曾否受刑其迹豈復更須推勘乃猶不能明其黑白耶程燾著交

部嚴加議處

庚寅

上詣

南郊齋宮齋宿諭軍機大臣等緬匪乃最爾蠻夷朕原無意取彼土地因近年輒敢越境騷擾邊氓始不得已派委兵弁辦理朕意緬匪本無知蠢愚倘畏威悔罪傾心投誠尚可加恩曲宥徹兵停剿今及年餘緬匪雖曾投款並未遣其大頭人前來且書詞多不恭順阿里衮阿桂去歲屢次遣兵毀其卡座擒其

活口並未深入其境痛加懲創是以特遣傳恒前往總理其事阿里衮阿桂均係副將軍而阿桂任兼總督未免分心即同阿里衮辦事亦屬掣肘著却去總督與阿里衮同心協助傳恒辦理進兵事宜委軍機章京舒斌齋送副將軍印二顆前往伊等接受後惟辦軍營事務再緣營兵甚屬無用除前調索倫兵二千名外再調索倫吉林兵各一千名遣往著該副將軍等即將所調湖廣等省綠營兵

多為裁撤並將此際應備辦者妥為備辦

又諭據李侍堯覆奏廣東香山協副將魏文偉順德協副將余大佐堪勝總兵一摺魏文偉余大佐均著送部引見但伊等營伍各有應辦之事不必同時催令進京著李侍堯隨宜酌量令各該員從容前後分班給咨送部引見又諭曰楊廷璋摺奏估修盤山各廟及獨樂寺工程九處共銀四千八百餘兩所費均屬浩繁內如獨樂寺一處需銀一千三

百餘兩。尤為未協。該寺工程修葺未久。一切尚為堅固。即加黏補油飾。工料有限。何至估修如許之多。必係該督甫經到任。屬員欲借此為興作開銷地步。遂為慫慂。朦蔽耳。今年或前往盤山。湯山。此寺並非必由之地。即使先事豫備。寺宇大體完好。其塗墍不能週遍。亦斷不加之責備。可傳諭楊廷璋。獨樂寺一處。今年竟可無庸籌辦。其別處即有酌修之處。目下尚未春和。雖有功作。恐亦不歸實濟。此時亦可不必汲汲從事。○辛卯。祈穀於上帝。

上親詣行禮。○

世祖章皇帝忌辰。遣官祭

孝陵。○詣

皇太后宮問安。○諭進剿緬匪一事。今年必須合力大舉。昨歲已派京城健銳火器營。及成都荊州各駐防兵。陸續前往雲南。茲復添派索倫吉林兵。前赴軍營。厚集其力。聽候臨期。

進發。大學士公傳恒前已降旨授為經畧。俟應行啟程時。擇日前往。總統一切進剿事宜。阿里衮阿桂。昨俱已授為副將軍。現在派員齎送印信前往備用。阿桂既應統兵同進。其總督事務。不能兼顧。且將來進兵時。永昌等處。亦需總督大員調度策應。明德著補授雲貴總督。駐劄永昌。辦理一應軍務。兼轄通省事宜。其雲南巡撫員缺。著喀寧阿補授。駐劄省城。專辦通省地方事務。喀寧阿現在差往

湖南。著即馳驛前赴新任。不必來京請訓。○

又諭。征剿緬匪一事。今歲必須大舉進兵。現派吉林索倫兵前往。所有經過地方。一切車馬等項。均動帑辦給。絲毫不累閭閻。第沿途運送供役。不無稍資民力。在百姓久沐恩養。趨事服勞。固屬分內之事。而踴躍急公。淳良足尚。自當格外加恩。以示嘉獎。直隸。河南。湖北。湖南。貴州等五省。各賞銀十萬兩。雲南省賞銀三十萬兩。均於藩庫內給發。該督撫等

須實心實力率屬妥辦俾小民均霑實惠朕如此疊沛恩綸惟期恤吾赤子各省倘有辦理不善或致侵蝕冒銷胥役中飽等弊非但承辦之地方官罪難輕宥即督撫亦自取重戾且封疆大臣受朕委任遇有此等緊要事務若不稍動天良竭力董察復何顏對人耶將此通諭知之又諭曰明福現有應行查訊事件著解任交與刑部看守○又諭據鄂寧奏臺灣總兵王魏於賊匪黃教豎旗焚

殺一案措置乖張畏葸退縮且心存諱飾屢次捏報僅將守備劉國樑揭叅希圖卸罪請旨拏解質審等語王魏前已降旨革職著即拏解來京交軍機大臣嚴審定擬具奏守備劉國樑等有應行質訊之處並著鄂寧遴委委員一併押解來京聽候審訊○又諭曰總兵談秀前奏會哨考察摺內有營兵水操練習滿漢陣勢之語滿兵向無水師陣勢所奏殊不可解傳諭令其明白回奏今據覆奏乃

稱歷年相沿水操事竣皆以練習滿漢陣勢字樣呈報總督等語其詞尤為誕妄支離總兵練習營務考察又係大典乃以書吏荒謬之言率行入奏又欲以曾報總督諉為與己無與復成何語談秀著交部議處○又諭據喀寧阿等審奏金文鎔控告茶陵州城工丈尺不符一摺其中雖無浮冒侵欺情弊但此項工程久經責成督撫遴派大員悉心稽察分勘詳查理應一一確覈估銷今茶陵州城

工大尺或係估多修少或係估少修多總計雖足相抵但工程務期覈實即使估後尚須通融亦當聲明具奏且知州戴保豫先已稟明巡撫馮鈐工竣之後該撫又親驗收工所有不符原估之處皆該撫所深悉何以不將前後籌辦情形據實奏聞竟爾朦混題銷此豈無心錯誤可比馮鈐著交部嚴加議處至梁兆榜係專管道員乃並不往查草率轉詳了事視公務如同膜外其情可惡與邵大業

申夢璽無異梁兆榜著革職發往軍臺効力贖罪。方世雋並不詳加查察。咎亦難辭。著交部察議。餘著該部覈擬具奏。○諭軍機大臣等著傳諭黑龍江將軍傅玉。於索倫達呼爾內再派年力精壯者一千名。酌量兵數。派協領等官及總管副總管內。能管轄者一人。陸續帶赴京師。其應得之項。均照前派二千名之例給予。其子弟內有閒散壯丁。情願充作跟役者。准其攜帶。伊等既得力。且遇出缺。亦

便於挑補。其如何揀派。何時起程。該將軍速行奏聞。尋奏陸續派往二千官兵。俱由打牲呼倫貝爾二處揀派。該二處坐卡巡察。差務繁多。餘兵未能一律強壯。請由齊齊哈爾兵內揀派四百名。黑龍江三百名。墨爾根城二百名。呼蘭城一百名。共一千名。分二隊。每隊派協領一員率領。並遵旨傳諭官兵內有願攜帶子弟者。聽其作為跟役帶往。齊齊哈爾呼蘭二城兵五百名。章京六員。驍騎校六員。

令協領巴鼎率領於二月初六日由齊齊哈爾起程。其黑龍江墨爾根二城兵五百名。章京六員。驍騎校六員。俟到時。即令協領巴鼎率領續發。報聞。○又諭前派吉林兵一千名。因暫不進剿。令其撤回候旨。著傳諭恒祿。仍將該處兵一千名。交叅贊明亮分隊帶領來京。應得之項。照軍機大臣前議辦理。○又諭現在征剿緬匪。陸續派兵前往。已降旨將經過各省賞給銀兩。不使稍累民間。並諭各該

督撫實力董察。妥協經理。自當一體凜遵。并聞向來經過驛路州縣。竟有不肖之徒。平時厚積俸廉。一聞差務。輒借端引退者。亦有藉辦差之名。私斂肥橐者。此等惡習。實可痛恨。督撫等每因其已經去任。曲為姑容。何以飭官方而勵臣職。著傳諭各該督撫嚴飭各屬。實心辦公。如有前項劣員。即行據實參奏。毋得稍為徇庇。自取罪戾。○又諭據鄂寧參奏。明福常存豫提稅銀。那新補舊。請派大臣前

往審理一摺。看來此案三年之中。提補之數。幾至四萬。其中經管之人。必有侵吞乾沒情事。明福在閩年久。缺額已至如此之多。且係首先作俑。現已降旨解任。交刑部看守。其家人徐四達子。常住。並令查拏押赴閩省質審。此案不必另派大臣。鄂寧身為滿洲巡撫。即著將此交與審訊。務須徹底根究。訊出侵盜實情。毋使稍有漏網。至常存在任甫五十餘日。其人向屬顛頑。或僅為委員等所愚。其罪尚輕。倘亦有沾染之處。若仍留將軍之任。恐管關旗員。不無瞻顧。鄂寧即一面奏聞。一面將伊解任研審。所有將軍印務。鄂寧即行暫署。達色。前曾署理將軍。有關涉之處。亦著一併就近質問。○壬辰。享太廟。遣裕親王廣祿恭代行禮。○遣官祭太歲之神。○

上詣

大高殿行禮。○諭上年直隸近水州縣窪地間

被偏災。業經加恩分別賑卹。新正又經降旨。將霸州等十二州縣極次貧民。均予展賑。自可不致失所。但各該處需用米石頗多。而借種平糶。亦需米接濟。著再加恩撥運通倉米二十萬石。以為各該處加賑糶借之用。該督其董率屬員。實力辦理。務使小民均霑實惠。該部遵諭速行。○諭軍機大臣等。據阿里衮阿桂奏稱。海蘭察瑪格等帶領官兵。馳赴南底壩。侍衛官兵三百餘名。馬匹俱已疲乏。因

擇官兵馬匹較健者二百名。率領擒捉設卡賊匪。徑襲夏鳩村莊。將其三大村莊屋宇悉行焚毀。官兵放箭截殺。有中箭死者。有情急投江者。有競渡登舟。舟覆落水淹斃者。約計不下千名。對岸雖有賊匪二千餘名。設立壘寨。但我兵太少。又無船隻。因整旅而回。等語。我兵二百餘名。剿戮賊匪千餘。海蘭察等因人少無船而回。固合機宜。然此不過賊匪展放之卡。並未直逼賊境。烏足使其懾服。至所

稱行至南底壩馬匹俱已疲乏殊堪駭異彼處之馬皆係發往餵養年餘且阿里衮等復係擇其壯者帶往何以行走五六日即形疲乏看來伊等不願進兵因故將馬力不及之處稍帶聲敘以豫為之地耳今甫行五六日即至疲乏秋間進兵止行五六日而已乎彼時將復何以處之此事所關非輕阿里衮從前豈竟未嘗籌辦著傳諭阿里衮阿桂將馬匹何以疲乏若此或南方果係馬匹不宜或

餵養官兵辦理不善之處據實明白回奏如謂朕有旨申飭稍存掩飾至貽誤事體之後恐伊等不能當此重罪又奏稱阿里衮於九月間親赴龍陵等處關隘指定設卡地方安設兵丁完畢十一月間官兵始陸續到齊等語朕遣伊等原為勦賊並非令其防賊設卡等事皆須阿里衮親赴辦理是非勦賊特防賊之侵擾也阿里衮不識事體輕重徒勞跋涉以致耽延時日若然今秋策將安出進兵

乎或防守地方乎彼能保賊匪不來乎此事伊等計算如何了結之處著據實奏聞○癸巳諭軍機大臣等前鄂寧奏閩海關稅額短少豫提下屆銀數那後掩前一案隨諭令明福來京訊問曾諭該撫將此案應質人犯解京審訊昨據鄂寧續奏查出常在任內管關官役亦有乘機舞弊朦混造報等情並請將明福家人徐四達子等解閩質訊已傳諭鄂寧秉公嚴審務得侵盜實情並將常在違色

有無知情之處一併就近查辦矣鄂寧審訊如僅係委員家人等通同弊混乾沒分肥即在閩省就近審擬定案其人犯不必解京若查出明福本身亦有染指之處即將應行質對要犯派委妥員押解來京候訊將此再行傳諭鄂寧知之○署河東河道總督吳嗣爵奏現將東省運河逐段復勘如河廳屬之丁廟六里等間有雁翅裂縫及剝落者已飭黏補運河廳屬之南旺壩分水口對岸石駁岸

塌卸數丈。應補修。捕河廳屬之荆門上閘。底漏。應用新石補塞。并換閘板。東平州屬之戴村石壩三道。惟北壩衝塌二十八丈。應修補。均飭備辦。至兩岸土工。臨清以北俱民堰。南旺以南俱官隄。其中則官隄民堰相錯。現將民堰卑薄者。飭該州縣督民夫加幫修築。其官隄。按本年盛漲時水誌。察其出水僅尺餘。及數寸并殘缺者。量明土方段落。確估加培。其與挑河工段相近者。令將挑起之土。擡積

隄頂。俟開壩後酌派兵夫。攤築行礮。得旨嘉獎。○以順天府尹葛峻起。太僕寺卿歐陽瑾對調。○甲午。右部哈薩克阿布勒比斯子卓勒齊。及各部落使臣布魯特等十三人。至京。

上御乾清宮。卓勒齊等行禮。命坐賜茶。並各賜冠服有差。○詣

大高殿行禮。○奉

皇太后居長春仙館。○詣

安佑宮行禮。○幸圓明園。○諭軍機大臣等。昨聞伊勒圖之母病故。已降旨著永貴前赴伊犁。署理將軍印務。令伊勒圖來京。諒伊勒圖接奉此旨。業經成服。來京時已滿百日。著傳諭伊勒圖。至京奠祭事畢。過二十餘日。即著陞見。數日後仍回伊犁。該處事務甚屬緊要。乙未。諭據楊廷璋奏。保定府知府吳兆基。於承審縣丞林恭策得贓一案。延至三月之久。一任狡供。率為開脫。請照溺職例革職。

所奏甚是。已於摺內批示矣。道府大員。專司承上接下。於吏治所關甚重。一切地方政務。自應實力整頓。屏除瞻顧私情。方合率屬奉公之道。若以養廉既優。惟事斤斤自守。遇事一味模稜。國家何賴有此監守之職。况承審案件。屢經督臣飭催。尚依違觀望。始終不肯究出實情。似此錮習相沿。何以肅官方而重民事。近時如邵大業。申夢璽。梁兆榜等。皆以持祿曠官。幾成牢不可破之局。朕已屢經降

旨懲創而此風未見悔改。深堪痛恨。吳兆基若僅予革職。不足示儆。著發往軍臺効力贖罪。以為姑容。取巧膜視公務者戒。並將此通諭知之。○諭軍機大臣等。永德奏查辦翦邊私鑄小錢摺內。有此風不能盡絕。總由鎔化大制錢加入鉛錫。即可鑄出多錢。獲利甚溥。而私鑄錢不及十千者。定例罪止發遣等語。所見全然不曉事理。從來私銷之罪。重於私鑄。奸徒等既已散法圖利。敢於鎔化制錢。則其所犯之罪。已屬私銷。更無疑義。乃永德轉目之為私鑄。且以鑄不及數。罪止發遣。謂不足以戢刁風。是不惟為屬員等潛起避重就輕之見。漸且於律條分門別類。判若黑白者。亦費然不省。是誠何言。永德著傳旨申飭。○又諭戶部摺奏。滇省上年額解京銅。據該督咨請展限。現在戶工二局。數計本年鼓鑄餘銅。為數無幾。請行令該督將上年頭運第二起。二運一二起銅觔。務於年底趕運到京。其

三運加運銅觔。務於明年二三月到京。方可無誤。仍請飭令將三十四年應運京銅。務遵定限委員起程解京。毋再延緩等語。已依議行矣。銅觔關係鼓鑄。自應依限解運。未便稍有遲誤。明德昨歲在京時。曾以辦運銅觔一事。諭令實力妥籌。一切惟彼是問。今雖已擢任總督。而辦銅始終是其專責。且喀寧阿初任巡撫。承辦亦未能諳習。著傳諭該督此事。仍專交伊督辦。務照該部程限。依次催趲。運京。毋得以新撫有人。稍存推諉之見。再現在辦理兵差。馬騾牛驢等牲隻。自難分頭馱運。但或留心設法。雇覓民夫。扛擡背運。亦未始非權宜之策。即所給工值。較原定腳價。畧有加增。亦不妨奏明通融籌酌。期於辦運有裨。并諭該督按照該處情形。悉心經畫。是否可行。即行據實詳議具奏。此摺著一併寄令閱看。不必發鈔。所有案內延玩各員。并著明德查明。用摺參奏。亦毋庸繕疏具題。○又諭據